

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CXCI. Alternativis factis pro nationalibus, quibus conflatur Provincia  
Germanica Ordinis Servorum B. M. V. jam approbatis a Vicario Generali  
Ordinis ejusdem robur confirmationis Apostolicæ adjicitur.

---

[urn:nbn:de:hbz:466:1-75393](#)

1737.  
di extra Ut-  
bem Con-  
fraternitatis.

vim privilegiorum eis a fe. re. Clemente Papa XI. Prædecessore nostro die 24. Novembris 1703. concessorum, & novissime a nobis die 27. Juli 1735. respective confirmatorum ubique Terrarum extra hanc Almam Urbem nostram privati-ve Confraternitates virorum & mulierum sub ti-tulo ejusdem Beatae Mariae de Monte Carmelo erigere, & fundare possunt.

Cujusmodi  
sint dictæ  
Confraterni-  
tates.

Episcopus  
Méchoaca-  
nus eas vifi-  
tare tentat.

Declarat  
Pontifex hu-  
jusmodi  
Confraterni-  
tatum &  
Oratori-  
rum Rura-  
lium d. Ordini-  
nis Visitatio-  
nem ad Ordini-  
arios non  
spectare.

Sicque ubi-  
libet servari  
præcipit, &  
judicari.

Obstantibus  
derogat.

Dat. die 31.  
Januar. 1737.  
An. VII.

§. 2. Quæ quidem Confraternitates nec usum saccorum, neque proprium Oratorium sive intra, sive extra claustra, neque redditus, & consuetudinem, aut onus recitandi Divinum Officium, aliasque preces habent, ullaſque functiones Ecclesiasticas peragunt, sed tantummodo processionibus, qua ab iisdem Exponentibus in quolibet mense fieri solent ad effectum lucrandi Indulgencias eidem Confraternitatibus a Romanis Pontificibus Prædecessoribus nostris concessis intersunt.

§. 3. Cum autem, sicut eadem exposito sub-jungebat, Venerabilis Frater modernus Episcopus Méchoacan. in Indiis, non solum supradictas Confraternitates in eorumdem Exponentium Ecclesiis erectas, nec non etiam quoddam Oratorium rurale cuiusdam prædii per dictos Exponentes posseſsi, in quo Religiosi memorata Congregationis Missam pro spirituali colonorum ibidem commorantium consolatione celebrare con-sueverunt, visitare tentaveri; Nobis propterea iisdem Exponentes, ne quid simile in posterum per alios locorum Ordinarios attentari contingat, opportune in præmissis, a nobis provide-ri, & ut infra indulgeri summopere desiderent.

§. 4. Nos ipsos Exponentes specialibus favo-ribus, & gratiis prosequi volentes, & eorum singulares personas, a quibusvis excommunicationis, suspensionis, & interdicti, aliisque Ec-clesiasticis sententiis, censuris, & penitis a Jure, vel ab homine quavis occasione, vel causa latis, si quibus quomodolibet innodata existunt, ad effeclum præsentium dumtaxat consequendum harum serie absentes, & absoluta fore cen-centes, supplicationibus inclinati, auditio super præmissis Ven. Fratre nostro Francisco S. R. E. Card. Barberino nuncupato sacri Cardinalium Collegii Decano Episcopo Ostien., & Veliter-nen., ac Congregationis ejusdem S. R. E. Cardinalium negotiis, & consultationibus Episco-porum, & Regularium prepositorum Praefecto, si preces veritati nitantur, supradictas Confraternitates tam in Ecclesiis eorumdem Exponen-tium ecclesiis, & erigendas, quam illorum Ora-toria rurale ab Ordinariis locorum non esse viſitanda, sed a Superioribus prædictis Congre-gationis Hispaniae auctoritate Apostolica, tenore præsentium declaramus, ac decernimus.

§. 5. Decernentes pariter easdem præsentes literas semper firmas, validas, & efficaces exi-stere, & fore, siueque plenarios, & integros effectus foriri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari; Sicque in præmissis per quoscumque Judices ordinarios, & delegatos etiam Caulatum Palatii Apostolici Auditores judicari, & diffiniri debere, ac irri-tum, & inane si fecis super his a quoquam, quavis auctoritate scienter, vel ignoranter conti-gerit attentari.

§. 6. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 31. Januarii 1737. Pont. nostri Anno VII.

Alternativis factis pro nationibus, quibus con-flatur Provincia Germanica Ordinis Servorum B. M. V. jam approbatis a Vicario Generali Ordinis ejusdem robur confirmationis Apo-stolice adjicitur.

## CLEMENS PP. XII.

*Ad perpetuam rei memoriam.*

Pakoralis officii nostri divinitus commissi fol-litudo nos admonet, ut paternam Reli-giosorum virorum, qui se se sub suavi arctioris vita jugo devoverunt, curam gerentes, ea quæ tollendis animorum disſidiis, habiliendaque in-ter eos fraterna concordia provide constituta esse noscuntur, quo firma semper atque inviolata persistant, Apostolici munimis nostri præsidio roboremus.

§. 1. Exponi siquidem nobis nuper fecerunt dilecti filii Symphorianus Maria Holzer Frater expresse professus Ordinis Servorum B. M. V. per Germaniam Vicarius Generalis ceterique Religiosi nationis Austriae, quod cum eorum Provin-cia ex duabus præcipue Nationibus Tyrolensi videlicet cum proxime adjacentibus ex una, Austria vero, & Hungaria ex altera parte compacta reperiatur, verum propter varium na-tionum ingenium, ingentem Conventuum ad invicem difflantiam, aliasque plurimas cauſas tam spiritualis, quam temporalis œconomia, necnon fraterna charitas, & disciplina regularis, ac Justitia denique distributiva sancte servari vix posset, nisi cum prædictis nationibus equalitas in omnibus, & justa alternativa firmiter stabiliatur, consentientibus ejusdem Provinciæ Religiosis, quadam hujusmodi alternativa Capitu-la hinc inde subscripta fuerunt, qua deinde cum approbatione imperialis Decreti munita, & a dilecto filio Josepho Maria de Inghiramis Curti Viglevanensis in Sacra Theologia Magistro, ac dicti Ordinis Servorum B. M. V. Vicario Generali nostro, Provinciali socio, Definitoribus, Prioribus, ceterisque Patribus, ac Fratribus Provincia no-stra Germania salutem in Domino sempiter-nam. Cum diu optatum sit a vobis, ut in nostra Provincia Germania tam in Conventibus distin-guendis, iisdemque bene regendis, quam in su-perioribus juxta Justitiam distributivam eligen-dis, ac plerisque aliis tenor æquitatis obser-vetur; ad hunc autem finem consequendum ratio Alternationis optimum medium esse videatur; cumque in variis congressibus, non femeſ communicatis inter vos Consilii, tandem ad eam-dem Alternationem, habitu etiam beneplacito Sacra Cesarea, Regiaque Catholica Majestatis, penvire efficaciter cupiatur, mature præterea dictis Consilii examinatis, communicata insuper nobis subscriptione a Partibus respecti-va facta, aliisque viſis documentis, necnon præcipue Capitulis, seu Conventionibus Alternationis, qua sequuntur.

§. 3. Primo quolibet triennio, quo celebra-dum erit Capitulum Provinciale, Provincialis, & Socius assumantur alternative, itaut dum Pro-vincialis est Austriacus, Socius fit ex Tyrolen-bus, & viceversa, idemque circa Provinciale ex Austraciis eligendum observandum erit in

primo

Proemium.

Provincia  
Germanica  
hujusmodi Ordini-  
nis diversis  
confiat Na-  
tionibus  
nonnullas  
pro unione  
conseruanda  
fancit alter-  
nativas,  
a Vicario Ge-  
nerali tatus  
Ordinis pol-  
modum con-  
firmatas.

Tenor Con-  
cordia.

Alternativa  
Provincialis,  
ejusque Socii.

ANNO  
1737.

CLEMENS DUODECIMUS. AN. VII. 109

De Defini-  
torio.

Superioribus  
Localibus  
Conven-  
tuum.

Novitiatibus.

De recipien-  
dis in una-  
quaque Pro-  
vincia ad  
professio-  
nem.

Aerario, Le-  
gatis, & Pro-  
curatore Na-  
tionis.

De non  
transferendis  
Religiosis  
ab una ad  
aliam Pro-  
vinciam nisi  
necessitate  
cogente.

Initio Alter-  
nativæ.

Approbatio  
Vicarii Ge-  
neralis Ordin-  
nis.

primo Capitulo Provinciali, id ipsum pariter fiet in casu obitus Provincialis, vel Socii, ita quod Provinciali succedat in officio Primus Definitor ejusdem nationis, & Socio secundus Definitor ejusdem pariter nationis, cuius fuerit ille, qui obierit.

¶. 4. Secundo in quolibet Definitorio sint aequalis Patres vocales Tyrolenses ex una parte, & Patres Austraci ex alia. Negocia autem, quæ ibi pertractabuntur, concludantur, & definiantur per pluralitatem suffragiorum. Quod si contingat vota tam favorabilia, quam contraria pars eis, iterum, & tertio res proponantur, & si denuo suffragia secreta adhuc aequalia erunt, decisio sit penes Præsidem Definitorii, seu Capituli, juxta Constitutiones Ordinis.

¶. 5. Tertio cum Conventus constituentes unam Alternationis partem, quæ Austricae vobanda erit, sine illi, qui in Austria, & Hungaria reperiuntur: In Superioribus locales horum Conventuum assumuntur Austraci, vel etiam eidem Parti incorporati, quæ tamen incorporatio extraneorum Patrum pro Austria, & Hungaria Conventibus ad Superioribus majores nationis Austricas spectet. Quod idem omnino vicissim servandum erit ex parte Tyrolensium.

¶. 6. Quartu. In posterum sit Novitiatus unus in Austria pro candidatis Austraciis, & Hungariis, & alter in Tyrolo pro Tyrolensis, & eorumdem incorporatis.

¶. 7. Quinto. Hujusmodi Candidati suscipiantur in Definitorio Superioribus propriae Nationis respectice in aequali vocalium numero, ut supra dictum est, sicut cuncte parti in Domino necessarium esse, & expedire videbuntur. In predicto autem Definitorio Patres utriusque Nationis decernant, ne aliqua natio Religiosis inutilibus alterius nationis plus justo gravetur.

¶. 8. Sexto. Aerarium publicum Provincia dividatur, & hereditates, ac legata Austracorum, aut Hungarorum spectent pariter ad Aerarium dumtaxat partis Austraciæ: sicut vicissim spectantia ad Tyrolenses, ad aerarium Tyrolensium devolvantur. Administratio autem aerarii Austraciæ ad Patres Definitorii Austraciacos, & aerarii Tyrolensis, ad Patres Definitorii Tyrolenses tantum pertinet. Porro capitalia tam certa, quam dubia ad Justitiae, & aequitatis regulam æqua lance dividantur. Si autem quedam ex his Capitalibus facta unius, vel alterius Nationis male suilient elocata, vel distracta, ita quod res certa, incerta, & dubia redderetur, parti nocenti attribuatur. In Procuratorem autem Provinciae assumatur Persona idonea non habita ratione Nationis, qua exacte se conformet Constitutionibus Ordinis.

¶. 9. Septimo. Nullus deinceps Religiosus unius nationis ad Conventum alterius nationis, sine publica, & gravi necessitate per Patres Provinciales, & socium approbanda, mittatur; & si id fieri contingat, expensa solvantur ab Aerario illius Nationis, in cuius commodum similes mutationes fieri.

¶. 10. Octavo. Hujusmodi Alternationis initium detur in futura Dieta Provincie que attentis circumstantiis, & necessitatibus praesentibus fiat statuto tempore Vniuersitate Austriae, atque in illa res disponantur circa Superiores eligendos pro Conventibus Austriae, & Hungariae, conformiter ad numerum Tertium horum articulorum. Nihil tamen innovetur circa Definitorium, quod idem omnino perseverabit usque ad Capitulum Provinciale.

¶. 11. Hinc, cum & Nos maiorem Dei gloriam Ordinis nostri incrementum, regularis discipline observantiam, sanctæ Justitiae administrationem, atque firmorem animorum concordiam ex hac Alternatione futuram esse in Domino confidamus, auctoritate Officii nostri, & quantum in Nobis est, vobiscum convenientes, hanc Al-

ternationem executioni demandandam ratam habemus, approbamus, & quatenus opus est confirmamus. In Nomine Patris, & Filii, & Spiritus Sancti Amen. In quorum fidem præsentes has nostras manu propriæ subscriptas, ac officiis nostri sigillo munitas dedimus. Romæ in Conventu nostro S. Marcelli die 23. Januarii 1737. Fr. Joseph Maria Vicarius Generalis Apostolicus Servorum B. M. V. loco ✡ sigilli. Fr. Paulus Maria Card. Secretarius Ordinis.

¶. 12. Cum autem, sicut eadem expositi subiungebat prefati Symphorianus Mariæ per Germaniam Vicarius Generalis, ceterisque Religiosis nationis Austraciæ, præmissa quo firmius subsistant, Apostolica confirmationis nostra patrocinio communiri summopere desiderent, Nos ipsorum Exponentum votis quantum cum Domino possumus, favorabiliter annuere volentes, & eorum singulare personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latiss, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore carentes, supplicationibus eorum nomine nobis super hoc humiliiter porrectis inclinati, Alternativam de consensu Partium factam, & a memorato Josepho Vicario Generali approbatam, & confirmatam, ut præfetur, confessamque de super scripturam præsertam cum omnibus, & singulis in eo contentis, auctoritate Apostolica tenore præsentium confirmamus, & approbamus, illisque inviolabilis Apostolica firmitatis robur adjicimus, ac omnes, & singulos Juris, & fasti defectus, si qui desuper quomodolibet interverterit, supplemus.

¶. 13. Decernentes easdem præsentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat & pro tempore spectabit in omnibus, & per omnia plenissime suffragari, & ab eis respective inviolabiliter observari: sique in præmissis per quoscumque Judices ordinarios, & Delegatos, etiam causarum Palati Apostolici Auditores, judicari, & diffiniri debere, ac irritum, & inane si fecis super his a quoquam quavis auctoritate scienter, vel ignoranter contigerit attentari.

¶. 14. Non obstantibus præmissis ac Constitutionibus, & ordinationibus Apostolicis, necnon prædictorum Ordinis, & Provincie, etiam juramento, confirmatione Apostolica vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac de verbo ad verbum insertis habentes, illis alias in suo labore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 7. Februario 1737. Pont. Nostri Anno Septimo.

ANNO  
1737.

Confirmatio  
Pontificia.

Præsentium  
Literarum  
firmatas.

Derogatio  
contrario-  
rum.

Dat. die 7.  
Febr. 1737.  
An. VII.

CXLII.

Indulgencie  
ab Innoc. X.  
concessis En-

Prorogatio Indulgenciarum a Romanis Pontificibus concessarum Sacramentum Eucharistiae sumentibus in Ecclesiis, ubi a Patribus Soc. Jesu agitur Communio Generalis.

CLEMENS PP. XII.  
Universis Christifidelibus præsentes literas inspecturis  
Salutem, & Apostolicam Benedictionem.

¶. 1. C um fel. rec. Innocentius PP. X. Prae-  
decessor noster ad augendam Fidelium